



Sufinansira
Evropska unija



german
cooperation

DEUTSCHE ZUSAMMENARBEIT

Implementira

giz

Deutsche Gesellschaft
für Internationale
Zusammenarbeit (GIZ) GmbH

Poziv za dostavljanje projektnih prijedloga

EU4CAET – Instrument za dodjelu grantova – Finansijski aspekt

Poziv br. 1

Februar/Veljača 2026



EU4CAET

Poziv za dostavljanje projektnih prijedloga

EU4CAET – Instrument za dodjelu grantova – Finansijski aspekt

Poziv br. 1

1. Opće informacije

Projekat EU4CAET, koji je sufinansiran od strane Evropske unije (EU) i Saveznog ministarstva za ekonomsku saradnju i razvoj Savezne Republike Njemačke (BMZ), a implementira ga GIZ u Bosni i Hercegovini, ima za cilj pružanje podrške općinama i lokalnim akterima u ubrzavanju energetske tranzicije kroz ciljanu tehničku pomoć i finansiranje projekata.

Jedan od ključnih instrumenata projekta je Instrument za dodjelu grantova. Instrument za dodjelu grantova omogućava dodjelu djelimičnih grantova zasnovanih na ključnim koracima (*eng. milestone*), s ciljem podrške implementaciji pilot-projekata održive energije koje predvode zajednice u Bosni i Hercegovini. Ovi grantovi namijenjeni su subjektima kao što su Energetske zajednice (EZ) i drugim prihvatljivim vlasnicima projekata koji aktivno učestvuju u tranziciji ka čistim energetske rješenjima.

Instrument za dodjelu grantova također pruža ciljanu tehničku pomoć kako bi se unaprijedili kapaciteti energetske zajednice i drugih partnerstava vođenih zajednicom, zainteresovanih za ulaganja u projekte održive energije i za pristup grantovima u okviru ovog instrumenta. Korisnici Instrumenta za dodjelu grantova identifikuju se putem konkurentnih poziva za dostavljanje projektnih prijedloga.

Ovo je prvi Poziv za dostavljanje projektnih prijedloga u okviru finansijskog aspekta Instrumenta za dodjelu grantova. Poziv raspisuje i koordinira Udruženje Centar za razvoj i podršku (CRP), koje je od strane GIZ-a angažovano u ulozi Menadžera sredstava.

Ovaj Poziv za dostavljanje projektnih prijedloga objavljuje se na engleskom i službenim jezicima Bosne i Hercegovine. U slučaju bilo kakvih razlika između jezičkih verzija, engleska verzija ima prednost, osim za Ugovor za primaoce grant sredstava u okviru EU4CAET Grant instrumenta.



EU4CAET sufinansiraju Evropska unija i Savezna Republika Njemačka. Njemačko savezno ministarstvo za ekonomsku saradnju i razvoj povjerilo je GIZ-u implementaciju projekta u okviru CAET programa. Projekat podržava energetske tranzicije Bosne i Hercegovine pružanjem stručne podrške i bespovratnih sredstava za projekte održive energije koje predvode lokalne zajednice.

2. Cilj poziva

Cilj ovog Poziva je identifikacija i podrška prvoj grupi visokokvalitetnih, zajednicom vođenih projekata održive energije u Bosni i Hercegovini, koji:

- povećavaju lokalnu proizvodnju energije iz obnovljivih izvora i unapređuju energetske efikasnost u javnoj infrastrukturi;
- doprinose smanjenju emisija stakleničkih gasova (GHG) i poboljšanju kvaliteta zraka;
- jačaju institucionalne i tehničke kapacitete općina i energetskih zajednica; te
- podstiču učešće građana i privatnog sektora u lokalnoj energetskej tranziciji.

Putem ovog Poziva, Instrumenta za dodjelu grantova osigurat će sufinansiranje u formi grantova za prihvatljive projekte koji su završili faze izrade projektne dokumentacije i pripreme javnih nabavki, te su spremni za implementaciju.

3. Zašto se prijaviti?

Uspješni aplikanti će imati sljedeće koristi:

- sufinansiranje za implementaciju projekata održive energije u svojim zajednicama, čime se smanjuje finansijsko opterećenje općinskih i lokalnih budžeta;
- ubranu realizaciju već pripremljenih projekata kojima trenutno nedostaju puna finansijska sredstva, čime se tehnička rješenja pretvaraju u konkretne investicije;
- razvoj kapaciteta i mentorsku podršku, uključujući savjetovanje od strane Instrumenta za dodjelu grantova u vezi s planiranjem ključnih koraka, pripremom zahtjeva za isplatu, verifikacionim zahtjevima i obavezama izvještavanja;
- povećanu vidljivost općina i njihovih partnera kroz komunikacione kanale EU4CAET projekta, uz isticanje lokalnog liderstva u energetskej tranziciji;
- dugoročne koristi za građane u vidu smanjenih troškova energije, poboljšanog komfora i kvaliteta usluga u javnim objektima, unaprijeđene energetske sigurnosti i jačanja lokalnog učešća u energetskim projektima.

4. Finansijska podrška

Finansijski prozor osigurava djelimično sufinansiranje prihvatljivih troškova projekta u formi bespovratnog granta.

Ključni parametri su:

- **Udio granta:** minimalno 50% i maksimalno 80% ukupnih prihvatljivih troškova projekta.
- **Vlastito učešće:** općine i njihovi partneri dužni su osigurati preostalih 20–50% iz vlastitog budžeta ili drugih potvrđenih izvora finansiranja.
- **Maksimalni iznos granta po projektu:**
 - do **99.999 EUR** za projekte koji **ne potiču** iz Jedinice za tehničku pomoć Instrumenta za dodjelu grantova;



EU4CAET sufinansiraju Evropska unija i Savezna Republika Njemačka. Njemačko savezno ministarstvo za ekonomsku saradnju i razvoj povjerilo je GIZ-u implementaciju projekta u okviru CAET programa. Projekat podržava energetskej tranziciju Bosne i Hercegovine pružanjem stručne podrške i bespovratnih sredstava za projekte održive energije koje predvode lokalne zajednice.

- o do **170.000 EUR** za projekte koji **potiču** iz Jedinice za tehničku pomoć Instrumenta za dodjelu grantova.

Grantovi se isplaćuju u jednoj ili dvije tranše, na osnovu stvarno nastalih troškova. To znači da se iznos granta ne isplaćuje unaprijed, već se refundira na osnovu stvarno realizovanih i dokumentovanih troškova. Proces verifikacije, koji uključuje provjeru dokumentacije i terenske posjete, predstavlja preduslov za isplatu sredstava iz granta. Isplate se vrše **direktno odabranim dobavljačima/izvođačima radova**, a ne vlasnicima projekata (odnosno korisnicima granta / aplikantima koji provode projekat).

5. Šta se može finansirati?

Grant je namijenjen sufinansiranju troškova koji su direktno povezani s implementacijom investicije u jednu od prihvatljivih tehnologija. Prihvatljivi troškovi mogu uključivati, ali nisu ograničeni na sljedeće:

- nabavku, isporuku, ugradnju i puštanje u rad opreme i sistema koji odgovaraju prihvatljivim tehnologijama navedenim u Poglavlju 8 – Prihvatljive tehnologije (fotonaponski sistemi, grijanje na biomasu, toplotne pumpe, punjači za električna vozila i javna rasvjeta);
- građevinske i instalacione radove neophodne za pravilno funkcionisanje sistema (npr. montažne konstrukcije, kabliranje, cjevovodi, građevinske prilagodbe koje su direktno povezane s tehnologijom);
- usluge stručnog nadzora i puštanja sistema u rad koje su direktno povezane s investicijom;
- neophodne prilagodbe postojećih sistema (npr. integracija u postojeće sisteme grijanja ili elektroenergetsku mrežu).

Troškovi koji nisu direktno povezani s implementacijom prihvatljivih tehnologija (npr. opće jačanje kapaciteta, izrada projektne dokumentacije, opći operativni troškovi općine, nabavka vozila i sl.) nisu prihvatljivi u okviru ovog Poziva i moraju se finansirati iz drugih izvora.

6. Kako se prijaviti?

Aplikacioni paket za ovaj Poziv sastoji se od sljedećih dokumenata:

1. Dokument Poziv za dostavljanje projektnih prijedloga
2. obrazac projektnog prijedloga
3. Detaljne smjernice za aplikante (uključujući opis evaluacionih kriterija, tehnološki specifične evaluacione matrice i bodovanje, itd.)
4. Standardni ugovor o dodjeli grantova (Ugovor za primaoce grant sredstava u okviru EU4CAET Grant instrumenta) između CRP-a i vlasnika projekta
5. obrazac Izjave o finansijskoj sposobnosti

Potencijalni aplikanti se snažno ohrabruju da:

- pažljivo pročitaju Smjernice za aplikante prije pripreme projektnih prijedloga;



EU4CAET sufinansiraju Evropska unija i Savezna Republika Njemačka. Njemačko savezno ministarstvo za ekonomsku saradnju i razvoj povjerilo je GIZ-u implementaciju projekta u okviru CAET programa. Projekat podržava energetska tranziciju Bosne i Hercegovine pružanjem stručne podrške i bespovratnih sredstava za projekte održive energije koje predvode lokalne zajednice.

- konsultuju Standardni ugovor o dodjeli grantova između CRP-a i vlasnika projekta u okviru Instrumenta za dodjelu grantova, posebno dijelove koji se odnose na ključne korake, verifikaciju i isplatu sredstava;
- koriste sve informacije objavljene putem komunikacionih kanala EU4CAET projekta i CRP-a.

Sva prateća dokumentacija za ovaj Poziv (Obrazac projektnog prijedloga, Smjernice za aplikante, Standardni ugovor o dodjeli grantova, Pitanja i odgovori – Q&A, itd.) dostupna je na web-stranici CRP-a:

- **Web-stranica:** <https://crp.org.ba/eu4caet-grant-sema-za-energetsku-tranziciju>

6.1 Format i način dostavljanja projektnih prijedloga

Projektni prijedlozi u okviru ovog Poziva dostavljaju se **putem pošte**.

Svaki projektni prijedlog mora sadržavati propisno popunjen **Obrazac projektnog prijedloga, Izjavu o finansijskoj sposobnosti**, kao i svu relevantnu prateću dokumentaciju, u skladu s odredbama iz Poglavlja 6.3 ovog Poziva za dostavljanje projektnih prijedloga.

Obrazac projektnog prijedloga i Izjava o finansijskoj sposobnosti moraju biti dostavljeni u **originalnoj štampanoj verziji**, propisno potpisani i ovjereni pečatom.

Sva prateća dokumentacija, uključujući projektну i tehničku dokumentaciju, dozvole, saglasnosti i ostale anekse, dostavlja se **isključivo u elektronskom formatu**, na USB memoriji. Dostavljanje štampanih verzija prateće dokumentacije nije potrebno, kako bi se izbjeglo nepotrebno dupliciranje i preveliki aplikacioni paketi.

Jezik podnošenja prijave je engleski jezik ili jedan od službenih jezika Bosne i Hercegovine.

Projektni prijedlog mora:

- biti potpisan od strane ovlaštenog predstavnika aplikanta;
- biti poslan u zatvorenoj koverti, koja sadrži svu dokumentaciju dostavljenu u štampanoj formi, kao i USB memoriju sa cjelokupnom pratećom dokumentacijom;
- imati jasno označenu kovertu sa sljedećom oznakom: **“EU4CAET – Instrument za dodjelu grantova - FW – Poziv br. 1 – [Naziv aplikanta]”**.
- biti poslan na sljedeću adresu za dostavljanje: Udruženje Centar za razvoj i podršku (CRP), Turalibegova 36, 75000 Tuzla, Bosna i Hercegovina.

6.2 Vremenski okvir

- **Objava Poziva:** 02. februar 2026. godine



EU4CAET sufinansiraju Evropska unija i Savezna Republika Njemačka. Njemačko savezno ministarstvo za ekonomsku saradnju i razvoj poverilo je GIZ-u implementaciju projekta u okviru CAET programa. Projekat podržava energetska tranziciju Bosne i Hercegovine pružanjem stručne podrške i bespovratnih sredstava za projekte održive energije koje predvode lokalne zajednice.

- **Period za pitanja i odgovore (Q&A):** od 02. februara 2026. do 24. marta 2026. godine. Pitanja dostavljena nakon 24. marta 2026. godine u 16:00 sati neće se razmatrati. Sva pitanja i pojašnjenja moraju biti dostavljena isključivo putem e-mail adrese: eu4caet-grants@crp.org.ba
- **Objava konsolidovanih pitanja i odgovora:** CRP će tokom trajanja Q&A perioda, na sedmičnom nivou, prikupljati i objavljivati anonimizirana pitanja i odgovore na svojoj web-stranici. Pojedinačni odgovori neće biti dostavljani.
- **Rok za dostavljanje projektnih prijedloga: 30. mart 2026. godine do 16:00 sati.** Svi projektni prijedlozi moraju fizički stići na adresu navedenu u Poglavlju 6.1 najkasnije do navedenog roka. Prijedlozi zaprimljeni nakon isteka roka neće se razmatrati, bez obzira na datum slanja.
- Instrument za dodjelu grantova zadržava pravo produženja roka za dostavljanje projektnih prijedloga. U tom slučaju, svi potencijalni aplikanti biće blagovremeno obaviješteni putem zvanične obavijesti objavljene na web-stranici CRP-a i/ili putem drugih odgovarajućih komunikacionih kanala.

6.3 Obavezna projektna dokumentacija

Aplikanti su dužni dostaviti kompletan projektni prijedlog, koji se sastoji od dolje navedenih dokumenata.

- A. Popunjen, potpisan i ovjeren originalni Obrazac projektnog prijedloga**, uključujući Koncept implementacije, odnosno pregled ciljeva projekta, ciljnih grupa, ključnih aktivnosti, plana implementacije, uloga i odgovornosti, mjera za ublažavanje rizika i drugih relevantnih elemenata.

B. Glavni projekat i tehnička dokumentacija

Puna tehnička dokumentacija za projekat koji će se implementirati, izrađena u skladu s važećim zakonodavstvom Bosne i Hercegovine i relevantnim entitetskim/kantonalnim propisima, uključujući, gdje je primjenjivo:

- arhitektonski projekat;
- konstrukcijski (građevinski) projekat;
- instalacione projekte (elektro, mašinske i dr.);
- Predmjer radova – detaljna i stavkama razrađena lista radova, materijala, opreme i usluga koja odgovara odobrenom glavnom projektu;
- Razrada troškova / procjena troškova, usklađena s predmjerom i predračunom radova i u skladu s lokalnom građevinskom i nabavnom praksom;
- za pojedine tehnologije, dodatna tehnička dokumentacija, kao što su:
 - toplotne pumpe – energetski pregled ili ekvivalentna procjena energetskih performansi objekta/sistema, koja dokazuje referentnu (polaznu) potrošnju energije, očekivane uštede i opravdanost dimenzionisanja sistema;
- sistemi grijanja na biomasu – energetski pregled ili analiza potreba za toplotnom energijom, uključujući proračune potrebne količine goriva i pretpostavke o efikasnosti sistema;



- plan upravljanja otpadom;
- plan zaštite od požara i eksplozije;
- u slučajevima kada se projekat implementira na objektima koji su zvanično zaštićeni kao kulturno-historijsko naslijeđe, objektima sa posebnom ambijentalnom vrijednošću i/ili unutar zaštićenih područja, aplikant je dužan dostaviti relevantnu saglasnost/saglasnosti nadležnog organa ili organa vlasti;
- druge potrebne tehničke studije/analize/dokumente, izrađene u skladu s važećim zakonodavstvom Bosne i Hercegovine i relevantnim entitetskim i/ili kantonalnim propisima.

C. Izjava o finansijskoj sposobnosti

Potpisana izjava kojom se potvrđuje da je vlasnik projekta (vlasnici projekta) osigurao, odnosno da ima pouzdan pristup, dovoljnim finansijskim sredstvima za pokriće vlastitog učešća u ukupnim troškovima projekta mora biti dostavljena u okviru projektne prijave. Izjava mora dokazivati da je aplikant finansijski sposoban da implementira projekat bez rizika po njegov kontinuitet ili završetak.

Izjava o finansijskoj sposobnosti dostavlja se koristeći format koji je sastavni dio Aplikacionog paketa.

Izjava o finansijskoj sposobnosti treba biti potkrijepljena, gdje je primjenjivo, relevantnom dokumentacijom, kao što su:

- potvrda o obezbijeđenim budžetskim sredstvima u okviru općinskog/gradskog budžeta ili finansijskog plana;
- odluka ili zaključak općinskog/gradskog vijeća o odobravanju izdvajanja sredstava;
- dokaz o raspoloživim sredstvima na bankovnom računu aplikanta (npr. izvod iz banke);
- potvrda o obezbijeđenom sufinansiranju od strane partnera (ako je primjenjivo);
- bilo koji drugi finansijski dokument kojim se dokazuje sposobnost aplikanta da ispuni obaveze vezane za sufinansiranje projekta.

D. Vlasništvo / pravo korištenja

Aplikanti moraju dostaviti jasne dokaze da imaju zakonsko pravo za realizaciju predložene investicije na relevantnom objektu/objektima ili lokaciji. To podrazumijeva jedno od sljedećeg:

- **dokaz o vlasništvu (izvod iz zemljišne knjige** ili drugi odgovarajući dokument o vlasništvu), ili
- ukoliko aplikant nije vlasnik, **formalnu izjavu vlasnika ili pravno važeći ugovor** kojim se potvrđuje pravo aplikanta na korištenje objekta/objekata ili lokacije u svrhu realizacije projekta.



Pravo korištenja mora obuhvatati period koji je u skladu s očekivanim operativnim vijekom trajanja investicije (ne kraćim od 5 godina) te mora osigurati nesmetan pristup za potrebe ugradnje, eksploatacije, održavanja i aktivnosti verifikacije.

Prateća dokumentacija može uključivati:

- formalnu izjavu vlasnika kojom se potvrđuje pravo korištenja aplikanta;
- ugovore o zakupu ili korištenju;
- memorandume o razumijevanju ili sporazume o saradnji sa vlasnikom nekretnine;
- notarski ovjerene izjave ili saglasnosti;
- odluke općinskih organa ili druge pravne dokumente kojima se dokazuje dugoročno pravo korištenja.

E. Dozvole i saglasnosti

Pored navedenog, aplikanti su dužni dostaviti sve dozvole i saglasnosti potrebne za predloženu tehnologiju i lokaciju projekta, izrađene i izdate u skladu s važećim zakonodavstvom Bosne i Hercegovine te relevantnim entitetskim i/ili kantonalnim propisima (npr. urbanistička saglasnost, građevinska dozvola, energetska dozvola i sl.), za projektne prijedloge koji se odnose na sljedeće tehnologije:

- fotonaponski sistemi (FN);
- punjači za električna vozila;
- javna rasvjeta.

F. Dokaz o partnerstvu

Ukoliko je primjenjivo, kao dokaz o partnerstvu aplikanti mogu dostaviti registracionu dokumentaciju Zajednice obnovljive energije, Ugovor o saradnji, Memorandum o razumijevanju, odluku općinskog vijeća kojom se potvrđuje učešće u partnerstvu, ili bilo koji drugi pravno važeći dokument kojim se dokazuje da je partnerstvo formalno uspostavljeno i ovlašteno za zajedničku implementaciju predloženog projekta.

7. Ciljevi finansiranja u okviru Prvog poziva

Očekuje se da će ovaj Poziv podržati približno pet (5) projekata, u zavisnosti od kvaliteta zaprimljenih projektnih prijedloga i konačnih iznosa grantova dodijeljenih po projektu.

Instrument za dodjelu grantova zadržava pravo da prilagodi broj podržanih projekata i raspodjelu sredstava među projektima, s ciljem osiguranja efikasnog i efektivnog korištenja raspoloživog budžeta, uz puno poštivanje principa, pravila prihvatljivosti i ciljeva definisanih u okviru Instrumenta za dodjelu grantova.



EU4CAET sufinansiraju Evropska unija i Savezna Republika Njemačka. Njemačko savezno ministarstvo za ekonomsku saradnju i razvoj povjerilo je GIZ-u implementaciju projekta u okviru CAET programa. Projekat podržava energetska tranziciju Bosne i Hercegovine pružanjem stručne podrške i bespovratnih sredstava za projekte održive energije koje predvode lokalne zajednice.

8. Prihvatljivost

Kako bi bili prihvatljivi, aplikanti (vlasnici projekata) i projekti moraju ispunjavati sve sljedeće kriterije.

Prihvatljivi vlasnici projekata su:

- općine i gradovi u Bosni i Hercegovini; i/ili
- partnerstva koja uključuju općine/gradove i druge subjekte, kao što su Zajednice obnovljive energije (ZOE), subjekti privatnog sektora i/ili građani, osnovana u Bosni i Hercegovini, koja zajednički razvijaju projekat održive energije zasnovan na jednoj od prihvatljivih tehnologija.

U slučajevima kada je aplikant Zajednica obnovljive energije (ZOE) ili drugi oblik partnerstva, najmanje jedan osnivački član mora biti općina ili grad. U takvim slučajevima, općina ili grad odgovorni su za provođenje postupaka javne nabavke vezanih za implementaciju investicije, u skladu s važećim zakonodavstvom o javnim nabavkama i pravilima Instrumenta za dodjelu grantova.

Specifični kriteriji prihvatljivosti prema vrsti projekta:

- **projekti solarnih fotonaponskih (FN) sistema** mogu se prijaviti isključivo kao projekti razvijeni i implementirani kroz **strukturu Zajednice obnovljive energije (ZOE)**;
- **sve ostale prihvatljive tehnologije mogu se prijaviti kao projekti vođeni zajednicom**, u kojima općine/gradovi implementiraju projekte uz aktivno učešće građana, lokalnih zajednica ili partnerskih organizacija, bez obaveze uspostavljanja Zajednice obnovljive energije (ZOE).

Projekat mora biti implementiran na teritoriji Bosne i Hercegovine i mora biti u skladu sa svim kriterijima prihvatljivosti, pravnim, tehničkim i finansijskim zahtjevima definisanim u okviru ovog Poziva.

Prihvatljive tehnologije

Predloženi projekat mora biti usmjeren **na jednu** od sljedećih tehnologija:

1. **Solarni fotonaponski (FN) sistemi** – proizvodnja električne energije iz solarne energije od strane zajednica obnovljive energije i općina/gradova na javnim ili zajedničkim objektima i/ili odgovarajućim lokacijama. Prihvatljivo isključivo kao projekat Zajednice obnovljive energije (ZOE).
2. **Grijanje na biomasu** – sistemi grijanja koji koriste održiva biogoriva (npr. drvena sječka, pelet) u javnim objektima. Prihvatljivo isključivo kao projekat vođen zajednicom.
3. **Toplotne pumpe** – sistemi grijanja i/ili hlađenja zasnovani na toplotnim pumpama u javnim objektima. Prihvatljivo isključivo kao projekat vođen zajednicom.



4. **Punjači za električna vozila (EV)** – infrastruktura za punjenje električnih vozila u okviru općinskih ili projekata vođenih zajednicom. Prihvatljivo isključivo kao projekat vođen zajednicom.
5. **Javna rasvjeta** – pametni i energetske efikasni sistemi javne rasvjete. Prihvatljivo isključivo kao projekat vođen zajednicom.

Ostali kriteriji prihvatljivosti

Pored ispunjavanja uslova prihvatljivosti aplikanta i predlaganja prihvatljive tehnologije, projekti moraju, u trenutku podnošenja prijave, dokazati punu spremnost za implementaciju. To podrazumijeva da je faza izrade projektne dokumentacije već završena, čime se osigurava da je predložena investicija tehnički zrela, pravno usklađena i odmah spremna za realizaciju nakon dodjele granta. Dokumentacija potrebna za dokazivanje spremnosti projekta definisana je u Poglavlju 6.3 – Obavezna projektna dokumentacija.

Aplikanti su stoga dužni dokazati da su svi ključni tehnički, pravni i finansijski preduslovi ispunjeni, uključujući:

- jasan i izvodljiv koncept implementacije projekta;
- kompletnu tehničku dokumentaciju izrađenu u skladu s važećim zakonodavstvom Bosne i Hercegovine;
- definisane količine i specifikacije radova i opreme;
- sve neophodne dozvole i saglasnosti relevantne za konkretnu tehnologiju i lokaciju (ako je primjenjivo);
- finansijsku sposobnost za osiguranje obaveznog udjela sufinansiranja; te
- dokaz o vlasništvu ili dugoročnom zakonskom pravu korištenja objekta ili lokacije na kojoj će se investicija realizovati.

Samo projekti koji ispunjavaju sve navedene uslove spremnosti biće razmatrani kao prihvatljivi za evaluaciju i potencijalno finansiranje. Projektni prijedlozi koji nisu u skladu s ovim zahtjevima ili kojima nedostaje ključna dokumentacija biće odbijeni u fazi provjere prihvatljivosti.

9. Postupak evaluacije i odabira

Svi prihvatljivi projektni prijedlozi zaprimljeni prije isteka roka biće evaluirani od strane Instrumenta za dodjelu grantova, koristeći tehnološki specifične evaluacione matrice.

Evaluacija će, između ostalog, obuhvatiti sljedeće aspekte:

- spremnost i izvodljivost projekta (zrelost projektne dokumentacije, dozvole, priprema javnih nabavki);
- tehnički kvalitet i adekvatnost odabrane tehnologije/tehnologija;
- očekivane energetske, okolišne i ekonomske efekte;
- finansijsku održivost i troškovnu efikasnost;
- kvalitet partnerstva i nivo uključenosti zajednice;
- doprinos rodnoj ravnopravnosti i socijalnoj uključenosti.



Evaluacioni kriteriji, zajedno s pripadajućim ponderima bodovanja, detaljno su predstavljeni u Smjernicama za aplikante.

Kako bi se osigurala uravnotežena raspodjela sredstava među različitim prihvatljivim tehnologijama i odrazili njihovi relativni strateški prioriteti u okviru Instrumenta za dodjelu grantova, na rezultate evaluacije primjenjivat će se **tehnoški specifični ponderi**.

Nakon početnog bodovanja na osnovu evaluacionih kriterija definisanih u Smjernicama za aplikante, ukupni broj bodova ostvaren za relevantnu tehnologiju biće korigovan primjenom sljedećih pondera:

- solarni fotonaponski (FN) sistemi: 100%
- toplotne pumpe: 80%
- grijanje na biomasu: 80%
- javna rasvjeta: 75%
- punjači za električna vozila (EV): 70%

Primjena ovih pondera rezultirat će korigovanim brojem bodova, koji će se koristiti za rangiranje projektnih prijedloga i donošenje odluka o finansiranju. Ponderisanje ne utiče na kriterije prihvatljivosti niti na minimalne pragove kvaliteta.

Svaki projektni prijedlog biće nezavisno ocijenjen od strane najmanje dva evaluatora. Projektni prijedlozi moraju ostvariti minimalno 50 od 100 bodova (bez bonus bodova) kako bi bili razmatrani za finansiranje. Bonus bodovi (do maksimalno 15) mogu biti dodijeljeni za snažan doprinos rodnoj ravnopravnosti, socijalnom uticaju i uključenosti zajednice.

Instrument za dodjelu grantova zadržava pravo da u bilo kojoj fazi evaluacionog procesa zatraži pojašnjenja, dodatna obrazloženja ili dopunsku dokumentaciju od aplikanta. Također može preduzeti sve druge radnje neophodne za pribavljanje potpunih i tačnih informacija potrebnih za temeljitu i objektivnu procjenu projektnih prijedloga. Nepružanje traženih pojašnjenja ili dokumentacije u propisanom roku može rezultirati diskvalifikacijom projektnog prijedloga.

Uzimajući u obzir raspoloživi budžet i ukupni kvalitet zaprimljenih prijava, Instrument za dodjelu grantova će definisati granični prag i pripremiti Izvještaj o evaluaciji projektnih prijedloga, uključujući preporučene iznose grantova po projektu.

Svi aplikanti biće obaviješteni o rezultatima evaluacije i ostvarenim bodovima (po kriterijima i ukupno), kao i o informaciji da li je projekat odobren za finansiranje ili ne. Aplikanti imaju pravo podnijeti pisanu žalbu (prigovor) CRP-u u roku od pet (5) kalendarskih dana od dana objave ili dostavljanja rezultata evaluacije. Žalba se mora dostaviti na isti način kao i projektni prijedlog, uz poštovanje istog načina podnošenja i uslova dostave. Žalbe dostavljene nakon isteka ovog roka neće se razmatrati.



10. Postupak ugovaranja grantova dodijeljenih u okviru EU4CAET Instrumenta za dodjelu grantova

CRP će pozvati odabrane vlasnike projekata na zaključenje ugovora, na osnovu standardnog ugovora (Ugovor za primaoce grant sredstava u okviru EU4CAET Grant instrumenta) koji je sastavni dio paketa Poziva. Ugovor će:

- definisati obim projekta, ciljeve i indikatore;
- precizirati ukupni trošak projekta, iznos granta, vlastito učešće i procenat granta;
- opisati ključne korake i njihove rokove, kao i zahtjeve verifikacije i dokumentaciju koju je potrebno dostaviti;
- utvrditi procedure isplate sredstava (direktna plaćanja dobavljačima/izvođačima radova nakon verifikovanog ispunjenja ključnih koraka);
- definisati obaveze u vezi s javnim nabavkama, izvještavanjem, revizijom i vidljivošću;
- sadržavati odredbe o izmjenama ugovora, suspenziji i raskidu, uključujući pravila za prilagođavanje iznosa granta nakon provedenih postupaka javne nabavke;
- uključivati odredbe o održivosti (npr. minimalni period operativnog korištenja i zabranu neopravdane prodaje ili premještanja finansirane opreme).

Ugovor mora biti potpisan od strane ovlaštenog predstavnika općine/gradova i/ili partnerstava (Zajednica obnovljive energije ili drugog oblika partnerstva) u roku navedenom u pozivu na potpisivanje. Nakon potpisivanja ugovora, CRP će svakom vlasniku projekta osigurati individualno uvodno savjetovanje u vezi s podnošenjem zahtjeva za isplatu, verifikacijom i izvještavanjem.


11. Zaštita podataka i privatnost

Lični podaci dostavljeni u okviru projektnog prijedloga i pripadajuće dokumentacije mogu se obrađivati od strane Instrumenta za dodjelu grantova isključivo u skladu s Općom uredbom o zaštiti podataka Evropske unije (GDPR) i važećim zahtjevima donatora.

Obrada ličnih podataka vršit će se isključivo u svrhe administracije, evaluacije, odabira, ugovaranja, implementacije, praćenja, kontrole, revizije i nadzora projekata finansiranih u okviru ovog Poziva za dostavljanje projektnih prijedloga, kao i radi zaštite finansijskih interesa ugovorne strane i/ili trećih strana koje osiguravaju sredstva, uključujući sve provjere, revizije ili istrage dozvoljene važećim zakonodavstvom.

U skladu s važećim propisima, aplikanti imaju pravo na pristup svojim ličnim podacima, njihovu ispravku ili zahtjev za brisanje. Zahtjevi koji se odnose na prava u vezi sa zaštitom podataka mogu se uputiti CRP-u putem kontakta (eu4caet-grants@crp.org.ba) ili nadležnom javnom organu odgovornom za pitanja zaštite podataka.

Aplikanti su odgovorni za osiguranje adekvatne zaštite ličnih podataka unutar vlastitih organizacija i u okviru projektnih aktivnosti, u skladu s važećim pravilima i procedurama zaštite podataka. U svim slučajevima, lični podaci moraju biti:



- a) obrađivani zakonito, pravično i na transparentan način;
- b) prikupljeni u jasno određene, izričite i legitimne svrhe te se ne smiju dalje obrađivati na način koji nije u skladu s tim svrhama;
- c) adekvatni, relevantni i ograničeni na ono što je neophodno za svrhe obrade;
- d) tačni i, prema potrebi, ažurirani;
- e) čuvani u obliku koji omogućava identifikaciju nosilaca podataka ne duže nego što je potrebno;
- f) obrađivani na način koji osigurava odgovarajući nivo sigurnosti, uključujući zaštitu od neovlaštene ili nezakonite obrade, kao i od slučajnog gubitka, uništenja ili oštećenja.

12. Odricanja od odgovornosti

- Podnošenje projektnog prijedloga ne stvara nikakvo pravo na dodjelu finansijskih sredstava.
- Instrument za dodjelu grantova zadržava pravo da u bilo kojem trenutku, prije potpisivanja ugovora o dodjeli granta, otkaže, odgodi ili izmijeni ovaj Poziv, uključujući raspoloživi budžet i uslove, bez ikakve obaveze naknade prema aplikantima.
- Isključivo potpisani ugovor o dodjeli granta predstavlja pravno obavezujuću obavezu dodjele sredstava.
- Svi dostavljeni projektni prijedlozi postaju vlasništvo Instrumenta za dodjelu grantova i neće biti vraćeni aplikantima.
- Priprema i podnošenje projektnog prijedloga, uključujući svu prateću dokumentaciju, vrši se o trošku aplikanta. Instrument za dodjelu grantova ne snosi niti nadoknađuje bilo kakve troškove koje aplikanti imaju u vezi s pripremom ili podnošenjem projektnih prijedloga.





Sufinansira
Evropska unija



german
cooperation

DEUTSCHE ZUSAMMENARBEIT

Implementira

giz

Deutsche Gesellschaft
für Internationale
Zusammenarbeit (GIZ) GmbH

Zajedno za energetsku tranziciju



EU4CAET